

04 SEP 1999

KEMUNCAK-MAHATHIR

DR MAHATHIR HADIR SIDANG KEMUNCAK EKONOMI ASIA TIMUR

Oleh: Tham Choy Lin

SINGAPURA, 4 Sept (Bernama) -- Perdana Menteri Datuk Seri Dr Mahathir Mohamad dan rakan sejawatnya dari Thailand, Chuan Leekpai, dijangka menghadiri Sidang Kemuncak Ekonomi Asia Timur kelapan di sini bulan depan.

Turut disahkan kehadiran di forum tiga hari yang bermula 18 Oktober adalah Menteri Perdagangan Antarabangsa dan Industri Datuk Seri Rafidah Aziz dan Gabenor Bank Negara Malaysia Tan Sri Ali Abul Hassan Sulaiman, demikian menurut kenyataan Forum Ekonomi Sedunia (WEF) yang berpangkalan di Geneva.

Perdana Menteri Singapura Goh Chok Tong juga akan menghadiri sidang kemuncak yang dianjurkan bersama oleh WEF dan Lembaga Kemajuan Ekonomi Singapura.

Mereka yang dijangka turut hadir termasuk Timbalan Pengarah Urusan Tabung Kewangan Antarabangsa Stanley Fischer, Naib Menteri Kewangan Jepun bagi Hal-Ehwal Antarabangsa Haruhiko Kuroda, Timbalan Perdana Menteri Thailand Supachai Panitchpakdi, Naib Presiden Kanan Bank Dunia Joseph Stiglitz, Setiausaha Kewangan Hong Kong Donald Tsang dan Penolong Setiausaha Negara Amerika bagi Hal-Ehwal Asia Timur dan Pasifik Stanley Roth. -- BERNAMA

TCL JR